

**Izvještaj o radu Općinske
BZK"PREPOROD" G. Vakuf
za 2013.godinu**

2013.godina je za BZK "Preporod" Gornji Vakuf kao i sve protekle bila uspješna.

BZK „Preporod“ Gornji Vakuf teži ka poboljšanju svog rada pa je tako za potrebe rada svojih sekcija BZK „Preporod“ G. Vakuf je nošnju za svoj Folklorni ansambl.

Zahvaljujući materijalnoj pomoć Fondacije za bibliotečku djelatnost Sarajevo realiziran je projekat „Dopunjavanje fonda biblioteke“ koji je povećao fond u biblioteci za još 250 novih izdanja.

Povodom 1. marta, Dana nezavisnosti Bosne i Hercegovine, održana je Svečana akademija na kojoj je učešće uzeo HKD Napredak Uskoplje i Narodni ansambl BZK "Preporod" Gornji Vakuf.

Kako bi pokazali da nisu zaboravili svoju rodnu grudu i proslavili Dan nezavisnosti BIH, članovi Bošnjačke zajednice kulture Preporod Dubrovnik su u saradnji sa BZK "Preporod" Gornji Vakuf iz Gornjeg Vakufa-Uskoplja, BIH organizovali Cjelovečernji koncert u subotu 09.03.2013.godine.

U akciji „Let´s Do It – očistimo zemlju za 1 dan“ koju u Gornjem Vakufu-Uskoplju podržava Centar za obrazovanje i kulturu, JKP "Radovina" kao i općina Gornji Vakuf-Uskoplje učestvovali su i članovi BZK "Preporod" Gornji Vakuf.

BZK Preporod Gornji Vakuf i JU "Centar za obrazovanje i kulturu Gornji Vakuf-Uskoplje" su istog dana organizovali pripovijedanje za žene na temu "Žena u Islamu". Predavanje je održala pjesnikinja, Ammara Šabić-Langić, koja je specijalno za tu priliku, doputovala iz Travnika.

U organizaciji Bošnjačke zajednice kulture "Preporod" Gornji Vakuf u Centru za obrazovanje i kulturu je i ove godine upriličen 6. Međunarodni festival ilahija i kasida "Gornji Vakuf 2013". Isti je trajao od 14. do 16.06.2013.

Festival se kao i svake godine održava u prvoj polovici mjeseca juna.

Ovogodišnji Stručni žiri je bio u sljedećem sastavu: prof. Edin Fazlić, Dunja Fazlić, prof. Aida Cerić, prof. Samira Merdžanić, mag. Enes ef. Omerović.

NA ŠESTOM FESTIVALU ILAHIJA I KASIDA GORNJI VAKUF 2013:

U kategoriji solista:

1. mjesto Ilhana Zahiragić, Zenica
2. mjesto Benjamin Redžić, Gornji Vakuf-Uskoplje
3. mjesto Dženana Bajraktarević, Gornji Vakuf-Uskoplje

U kategoriji horova:

1. mjesto Hor "Selimija" Doboj Istok
2. mjesto Ansambl Ornament – Potoci Mostar
3. mjesto Hor "Ismihan" Donja Orahovica

Tradicionalni koncert ilahija i kasida „U susret Ramazanu“ u okviru kulturne manifestacije „Ljetne večeri Janja“ 2013. održan je u nedjelju 07.07.2013. ispred Doma kulture u Janji. Učesnici programa bili su: Hor „Bilal“ Janja, Hor „El Aziz“ Kikači, Hrustan ef. Nočić, Hor „Azizija“ Orašje, Hor „El Bedr“ Orašje, Hor „Ismihan“ Orahovica, Narodni ansambl BZK „Preporod“ Gornji Vakuf.

U okviru tradicionalne kulturno-sportske manifestacije: DANI OTPORA PRIVOR 1992 - DANI SLOBODE PRIVOR 2013, organizovane od strane UG „Bolja budućnost“ Privor, 10. augusta 2013. godine organizovano je V „Veče bošnjačke kulture“ na kojoj je svoje učešće uzeo i BZK "Preporod" Prozor, BZK "Preporod" JAJCE, horska sekcija i folklorni ansambl BZK "Preporod" Gornji Vakuf.

Nakon Dana trgovine koji su održani od 01.-07.07.2013. godine došao je red i na Dane kulture i sporta u okviru "Visočkog Ljeta 2013" koje je ove godine podijeljeno u dva dijela.

Dani kulture i sporta planirani su od 23.-29.08.2013. godine. Nosilac aktivnosti manifestacije „Visočko ljeto 2013“ za Dane trgovine je Služba za privredu, razvoj, budžet i finansije, a za kulturno-zabavni i sportski program Služba za poslove Općinskog vijeća i Općinske načelnice i Služba za društvene djelatnosti, boračko-invalidsku zaštitu i raseljena lica. U nedjelju 25.08.2013. godine dramska sekcija BZK „Preporod“ Gornji Vakuf se publici predstavila sa dramskim komadom „KNJA“. Dramski komad je izveden u gradskom kinu u Visokom pred mnogobrojnom publikom. Po završetku najpoznatijeg komada našeg Društva, naši članovi su nagrađeni gromoglasnim aplauzom. Čestitamo!

Svečanom sjednicom Općinskog vijeća Gornji Vakuf - Uskoplje koja je održana 01. oktobra sa početkom u 10 sati završen je sedmodnevni program obilježavanja Dana općine Gornji Vakuf - Uskoplje. U proteklih sedam dana održana je niz kulturnih i sportskih manifestacija.

Povodom obilježavanja dana općine Gornji Vakuf-Uskoplje, Povelja sa grbom općine u oblasti kulture za 2012 godinu je pripala BZK „Preporod“ Gornji Vakuf.

Dana, 23.09.2013. godine održano predavanje na temu "Žrtve manipulacije" predavača Vladimira Pavića, 24.09.2013. godine održana je promocija knjige "I ja sam iz Srebrenice", autora Fikreta Hodžića, 25.09.2013. godine upriličena je projekcija filma " Epizoda u životu berač željeza " Oskarovca Danisa Tanovića, 26.09.2013. godine

najmlađi su mogli pogledati predstvu "Od kamena priča" - Studio lutkarstva Sarajevo, 27.09.2013. godine održana je III. Smotra folklor na kojoj su nastupili gosti iz Bosanske Dubice, Gradačca, Donjeg Vakufa, Bugojna, te domaćini BZK "Preporod" i HKD "Napredak"

Dana 28.09.2013. godine održan je II. Međunarodni turnir u sjedećoj odbojci "Open 2013. Gornji Vakuf-Uskoplje" na kojem je prvo mjesto osvojila ekipa SKISO "Sloga" Gornji Vakuf - Uskoplje, koji je folklorni ansambl BZK „Preporod“ G. Vakuf podržao na sebi svojstven način, otvarajući ga igrom i plesom.

Dana 29.09.2013.godine održan je koncert Vokalnog ansambla Bugojno sa solistima u organizaciji BZK „Preporod“ G. Vakuf.

Na Uskopaljskim jesenima, u nedjelju 27.10.2013.godine, koje oganizuje HKD "Napredak" Uskoplje, nastupili su članovi folklornog ansambla Bošnjačke zajednice kulture "Preporod".

Omladinska banka Gornji Vakuf-Uskoplje u 2013. godini podržala je 10 projekata mladih, od kojih je svih 10 uspješno realizovano u periodu od juna do septembra mjeseca na području općine Gornji Vakuf-Uskoplje. Jedan od projekata je i „Izletišta Bistrička Rika“ koji su članovi BZK Preporod Gornji Vakuf je u saradnji sa učenicima OŠ Gornji Vakuf realizirali.

U organizaciji Javna ustanova "Centar za obrazovanje i kulturu" Gornji Vakuf-Uskoplje, 25.novembra, 2013.godine, održana na svečanost povodom "Obilježavanja dana državnosti Bosne i Hercegovine" . Različitim programima, igranjem folklor, recitacijama, izvođenjem različitih predstava i slično učenici Osnovnih škola Gornji Vakuf, Pajić Polje i Voljevac počastili su prisutne građane Gornjeg Vakufa koji su u velikom broja došli da obilježe Dan državnosti Bosne i Hercegovine. Na manifestaciji je učestvovao i folklorni ansambl BZK „Preporod“ G. Vakuf.

PREDSJEDNIK:
Filan Alija